

日本藏

漢籍善本書志書目集成



日本藏

漢籍善本書志書目集成

第九冊

賈貴榮
輯



光緒庚辰之夏守茲應大埔何公使

如璋之召赴日本元常隨實於其

書肆頗得舊本旋交其國醫實

森立之見所著經籍訪古志遂按

錄索之會遵義黎公使庶昌接

任議刻古逸叢書囑百數極力搜

訪而歲在其好古家者不可以金
幣得屬有天幸以茲所攜古金
石文字乃多日本所未見者彼此交
易於是其國著錄之書麇集于
篋中每得一書即暇為考其原
委別紙記之久之得廿餘冊擬歸

後與同人生相考證為之提要登席
赴黃岡教官任同好者絕無其人此
稿遂束高閣而遠方姚古之士嘗
以書來索觀其目因檢舊稿塗
乙不易辨時字又就館省垣原書
多藏黃澍未能一一整理乃先以字

五、清晰者付書手錄之，釐為十六
卷。見聞之疏陋、體例之外錯，皆所
不免。又其中不盡罕見之書，而驚
人秘笈尚多未錄出者，良以精力
衰頹，襄助乏人，致斯缺憾。倘天假
之年，或當并出所得異本，盡以

告世人也辛丑四月宜都楊守敬自
記於兩湖書院三東分教堂

日本訪書志緣起

余生僻陬家尠藏書目錄之學素無淵源庚辰東來
日本念歐陽公百篇尙存之語頗有摻羅放佚之
志茫然無津涯未知佚而存者爲何本乃日遊市
上凡板已毀壞者皆購之不一一年遂有三萬餘卷
其中雖無秦火不焚之籍實有齋然未獻之書因
以諸家譜錄參互考訂凡有異同及罕見者皆甄
錄之夫以其所不見遂謂人之所不見此遼豕所
以貽譏然亦猶有秘文墜簡經余表章而出者不

可謂非採風之一助也

日本舊有鈔本經籍訪古志七卷近時澁江道純森立之同撰所載今頗有不可踪跡者然余之所得爲此志之所遺正復不少今不相沿襲凡非目覩者別爲待訪錄

訪古志所錄明刊本彼以爲罕見而實我國通行者如劉節之藝文類聚安國徐守銘之初學記馬元調之元白集之類今並不載亦有彼國習見而中土今罕遇者又有彼國翻刻舊本而未西渡者

茲一一錄入

經義考每書載序跋體例最善愛日精廬藏書志遂沿之茲凡四庫未著錄者宋元以上並載序跋明本則擇有考證者載之行款匡廓亦詳於宋元而略於明本

日本古鈔本以經部爲最經部之中又以易論語爲多大抵根原於李唐或傳鈔於北宋是皆我國所未聞其見於七經孟子考文者每經不過一二種實未足概彼國古籍之全

考文一書山井鼎校之於前物觀之於後

宜若彼國古本不復有遺漏不知考文刊於享保

中當我康熙末其時彼國好古之士亦始萌芽故

故所傳易單疏本尚書單疏本毛詩黃唐本左傳

古抄卷子本皆爲考文所未見其他遺漏何怪焉

日本古鈔本經註多有虛字阮氏校刊記疑是彼國

人妄增今通觀其鈔本乃知實沿於隋唐之遺

陸氏釋即其原於北宋者尚未盡刪削

如志中所載尚書毛

詩經註鈔本猶多虛字今合校數本其漸次剷除之迹猶可

尋阮氏所見經註本大抵皆出於南宋故不信彼爲唐本

日本文事盛於延喜天平當唐之中葉厥後日尋干戈至明啟禎間德川氏秉政始偃武修文故自德川氏以前可信其無僞作之弊古文孝經固非真孔傳然亦必司馬貞劉子元所共議之本提要疑是宋以後人僞作未悉彼國情事也

日本氣候固無我江南之多霉爛亦不如我河北之少蠹蝕何以唐人之迹存於今者不可勝計蓋其

國有方之家皆有二意故能其二六三下三
於鈔本皆用彼國繭紙堅紉勝於布帛故歷千年
而不碎

日本收藏家除足利官學外以金澤文庫爲最古當
我元明之間今日流傳宋本大半是其所遺次則
養安院當明之季世亦多宋元本且有朝鮮古本
此下則以近世狩谷望之求古樓爲最富雖其楓
山官庫昌平官學所儲亦不及也又有市野光彥
澁江道純小島尙質及森立之皆儲藏之有名者

余之所得大抵諸家之遺

日本醫員多博學藏書亦醫員爲多喜多村氏多紀
氏澁江氏小島氏森氏皆醫員也故醫籍尤收羅
靡遺躋壽館目錄多紀丹波
元堅撰所載今著錄家不及
者不下百種今只就余收得者錄之

日本崇尚佛法凡有兵戈例不燬壞古刹故高山寺
法隆寺二藏所儲唐經生書佛經不下萬卷卽經
史古本亦多出其中今茲所錄仿舊唐書藝文志
之例收諸家之爲釋氏而作者其一切經雖精妙

日本頗多朝鮮古刻本皆明時平秀吉之後所抄而
來如姓解草堂詩箋等書余詢之朝鮮使臣並稱
無傳且云秀吉之亂其國典籍爲之一空然則求
朝鮮逸書者此地當得半矣

日本維新之際頗欲廢漢學故家舊藏幾於論斤估
值爾時販鬻於我土者不下數千萬卷猶憶前數
年有蔡姓者載書一船道出宜昌友人饒季音得
南宋板呂氏讀詩記一部據云宋元槧甚多意必

有祕笈孤本錯雜於其中未知流落得所否今余收拾於殘牘之後不能不爲來遲恨亦不能不爲書恨也

余之初來也書肆於舊板尙不甚珍重及余購求不已其國之好事者遂亦往往出重值而爭之於是舊本日稀書估得一嘉靖本亦視爲祕笈而余力竭矣然以余一人好尙之篤使彼國已棄之肉復登於俎自今以往諒不至拉雜而摧燒之矣則彼之視爲奇貨固余所厚望也

近日則聞什襲藏之不以售外人矣